

et supplicantium ex affectu divino procedere, — ipsorum in hac parte supplicationibus favorabiliter annuentes — omnibus et singulis Christi fidelibus utriusque sexus vere poenitentibus confessis et contritis, qui ad sonum campanarum dicti monasterii sancti Thomae apostoli Lipzensis singulis sextis feriis post benedictionem summae missae ipsius monasterii, dum dictum responsorium Tenebrae cantabitur, quinque Pater noster et totidem Ave Maria devote dixerint, in quocumque loco fuerint, quadraginta dies indulgentiarum de iniunctis eis poenitentiis de omnipotentis dei misericordia et beatorum Petri et Pauli apostolorum eius auctoritate sanctorumque Johannis baptistae et Laurentii patronorum nostrorum meritis confisi in domino misericorditer relaxamus, praesentibus perpetuis temporibus duraturis, harum quibus maius sigillum nostrum est impensum testimonio litterarum.

Et nos Burekardus de Kempnietz praepositus nec non prior totusque conventus saepefati monasterii sancti Thomae apostoli Lipzensis supradicti recognoscimus et fatemur per praesentes, nos recepisse a memorato domino Heinrico Steinbach pro suprascripta memoria passionis dominicae ut praemittitur in perpetuum servanda quinquaginta florenos Renenses boni auri et iusti ponderis, quos in profectum et utilitatem dicti nostri monasterii convertimus, ac promittimus bona fide pro nobis nostrisque successoribus, huiusmodi memoriam prout supra tactum et expressum est inconcusse et inviolabiliter sub excommunicationis poena, quam incurrere volumus ipso facto, in perpetuum servare et tenere, si quod absit ipsam memoriam negligere, tocians quociens id fieri contingeret. In robur et evidens testimonium sigilla nostrae praepositurae ac nostri conventus praesentibus apud sigillum reverendi in Christo patris et domini nostri domini Johannis episcopi Merseburgensis maturo desuper habito consilio duximus coappendenda. Datum Merseburg anno a nativitate domini millesimo quadringentesimo quadragesimo tertio feria quarta proxima post festum sanctae Dorotheae virginis et martyris.

Nach dem Orig. im K. Haupt-Staatsarchiv zu Dresden mit dem grossen Siegel des Bischofs und den Siegeln des Probsts Burkard und des Convents (letzteres beschädigt) an Pergamentstreifen.

No. 219. 1443. 17. Febr.

Die Universität appellirt an den päpstlichen Stuhl und das bevorstehende allgemeine Concil gegen die Entscheidung des Bischofs von Merseburg in ihrem Streite mit dem Probst von S. Thomas.
Vgl. No. 217.

In nomine domini amen. Anno a nativitate eiusdem millesimo quadringentesimo quadragesimo tertio indictione sexta concilio Basiliensi durante mensis Februarii die XVII^a hora nonarum vel quasi in opido Lyptzk Mersenburgensis diocesis ibidem in stuba collegiatorum collegii maioris in mei notarii publici testiumque infra scriptorum praesentia personaliter constitutus venerabilis et circumspectus vir Caspar Weygil artium magister sacraeque theologiae baccalarius rector almae universitatis studii Lyptzensis antedictae diocesis quandam papiri cedulae modum et formam appellationis in se continentem in manibus suis tenuit et in medium produxit ac legi